

# LAWATAN KERJA PENGERUSI JEMAAH TERTINGGI BAKAT UDARA SEMPENA SAMBUTAN JUBLI PERAK PESAWAT HAWK

 [airforce.mil.my/berita/acara-rasmi/4616-lawatan-kerja-pengerusi-jemaah-tertinggi-bakat-udara-sempena-sambutan-jubli-perak-pesawat-hawk](http://airforce.mil.my/berita/acara-rasmi/4616-lawatan-kerja-pengerusi-jemaah-tertinggi-bakat-udara-sempena-sambutan-jubli-perak-pesawat-hawk)

BUTTERWORTH. Sempena Sambutan Jubli Perak Pesawat Hawk yang diadakan di No 15 Skuadron baru-baru ini, Pengerusi Jemaah Tertinggi BAKAT Udara (JTBU), YAM Tengku Puteri Seri Teja Pahang Puan Sri Hjh Tengku Muhamaini binti Sultan Hj Ahmad Shah turut menyampaikan sumbangan cenderahati kepada balu serta ahli keluarga juruterbang yang telah gugur semasa operasi penerbangan Pesawat Hawk.

Sumbangan ini adalah sebagai tanda penghargaan kepada ahli keluarga yang terlibat atas jasa bakti yang telah dicurahkan sepanjang berkhidmat di dalam TUDM.

Terdahulu, Pengerusi JTBU dan rombongan tiba dengan pesawat C130H di Pangkalan Udara Butterworth dan seterusnya menyambut ketibaan Panglima Tentera Udara, Jen Tan Sri Dato' Sri Hj Affendi bin Buang TUDM yang diterbangkan khas menggunakan pesawat Hawk bagi merasmikan Sambutan Jubli Perak Pesawat Hawk.





Pada keesokan hari, Pengerusi JTBU dan rombongan telah melaksanakan lawatan kerja ke Rumah Keluarga Angkatan Tentera (RKAT) Sri Bayu Pangkalan Udara Butterworth untuk beramah mesra bersama ahli BAKAT Udara serta turut menyampaikan sumbangan cenderahati kepada 100 kanak-kanak yang tinggal di sini.